

金

匱

翼

一

中國醫學大成第七集

內科類

金

匱

翼

一

上海大東書局印行

金匱翼提要

清。尤在涇集撰。在涇幼習儒。長精醫學。於古方書。靡不博通。其治病處。一以仲景爲宗。迺註仲景傷寒。曰貫珠集。註金匱。卽前金匱心典是也。間又取雜病古今實驗諸方討論之。集爲八卷。其卷一。爲中風濕症。瘟疫。其卷二。爲痰飲。飲食。血症。其卷三。爲膈噎。虛勞。發熱。惡寒。瘧疾。其卷四。爲尸疰。癩狂。黃疸。消渴。水氣。脹滿。積聚。其卷五。頭項。背臂。眩暈。耳鼻。口舌。齒。咽喉。其卷六。心痛。胃痛。腕痛。腹痛。腰痛。脅痛。四肢腫顫。振脚氣。痺症。卷其七。咳嗽。喘。嘔吐。泄瀉。痢疾。其卷八。夢遺。便閉。閉癰。交腸。淋症。痧症。診候。生死要法等類。評其證候。析其治法。表裏虛實之辨。補瀉溫涼之用。開卷瞭然。如指掌焉。足補金匱之所未備。實能羽翼金匱。顏曰金匱翼。真名副其實也。

徐序

傷寒而外。金匱一書。又雜症之大法門也。吾吳尤在涇先生。學術淵深。天機敏妙。嘗以其吟咏自得之餘。究心靈素。有金匱心典集注。北田讀書錄行世。又出其生平見聞。所以羽翼金匱者。條分縷晰。列爲八卷。祖述仲景遺意。蒼萃各家之說。參以論斷。所謂廣長舌大法輪。可想見先生濟世婆心矣。余生也晚。不獲親炙先生。討論精奧。讀其書如見其人焉。聞諸故老云。先生鍵戶著書。絕意榮利。一時名宿如方東華。顧秀野。沈歸愚。李客山諸君。相與結城南之社。其詩採入國朝別裁集。爲時所誦習者已久。晚年爲人治病多奇中。蓋歷數十年精意研殫。宜其神妙莫測。是書余得之及門平舟沈子。復於星門陳子處借校。譌正缺補。名之曰金匱羽翼。而先生爲仲聖功臣矣。是爲序。

嘉慶十有八年癸酉三月長洲後學徐錦書於心太平軒

柏序

聞之著書難。選書尤難。醫理之難知也。其書汗牛充棟。欲別贗存真。如披沙揀金。覽之博。尤貴擇之精。吾鄉尤在涇先生通儒也。邃於醫理。所著醫書數種。已刻者早已家置一編。而治雜病一書。祇存鈔本。是書之必傳於後。無庸贅述。獨惜其未廣所傳也。吾宗澹安大兄。昔同遊西疇夫子門。析疑賞奇。師深喜其好學。迄今積三十年。孜孜不倦。宜其乞方踵至。名動公卿。乃復虛懷若谷。雖盛夏晚歸。余至必剪燭深談也。嘗出郭氏傷寒論補亡。尤氏雜病兩書。正譌補缺。相與商確者久之。今尤氏書校刊已成。促其先付剞劂。名之曰金匱翼。尤氏固爲仲聖功臣。而澹安亦屬尤氏知己矣。是爲序。

弟柏雪峰氏拜書

尤序

余姪在涇。幼習儒業。長精於醫。於古方書靡不畢貫。而治病處方。一以仲景爲宗。既以其道活人。慮無以昭後世也。迺註仲景金匱。卽世所傳金匱心典是也。間又取雜病討論之。集爲八卷。詳其證候。析其治法。表裏虛實之辨。補瀉溫涼之用。開卷瞭然如指掌焉。嗚呼。此道之難知也久矣。今睹是書。抑何其深切而著明也。惜其所註仲景傷寒論名貫珠集者。余不得而見之。然在涇不專以醫名。其所爲詩必宗老杜。一如其醫之必宗仲景云。

乾隆三十三年歲次戊子 嶽岩老人世輔書於虎邱山塘之思永堂

金匱翼總目

卷一

中風	一—三〇
濕症	三〇—三六
瘟疫	三六—四二

卷二

痰飲	一—一五
飲食	一五—二五
血症	二五—五〇

卷二

膈噎 <small>及胃附</small>	一—二一
虛勞	一一—三一
發熱	三一—四四
惡寒	四四—四六
瘧疾	四六—五六

卷四

尸疰	一—七
癲狂 <small>驚癇附</small>	七—一四
疸症 <small>黃病附</small>	一四—二五
消渴	二五—三〇
水病	三〇—三七

脹滿……………三七—四七
積聚……………四七—五七

卷五

頭……………一一—二一
項背……………二一—二二
臂……………二二
眩暈……………二二—二六
耳……………二六—三二
鼻……………三二—三五
舌……………三五—三六
口……………三六—三八
齒……………三八—四二
咽喉……………四二—五六

卷六

心痛……………一一—二一
胃脘痛……………一一—二三
腹痛……………一三—二一
腰痛……………二一—二八
脇痛……………二八—三六
四肢腫……………三六—三七
顫振……………三七
腳氣……………三七—四六
痺症……………四六—五八

卷七

咳嗽……………一一—一八

卷八

喘	一八—二四
嘔吐	二四—三四
泄瀉	三四—四八
痢疾	四八—五六
夢遺	附精滑
便悶	九—一六
閉癢	附遺溺
交腸	二—三
淋症	二—三
疝症	三—四
診候生死要法	四—八

金匱翼目錄

卷一

中風統論	一
卒中八法	二
開關	三
固脫	四
泄大邪	五
轉大氣	八
逐痰涎	九
除熱風	一〇
通竅隧	一一
灸膺穴	一二

中風失音不語	一七
口眼歪斜	一九
偏風	二〇
歷節痛風	二二
鶴膝風	二六
風緩	二七
風瘙癢	二九
諸濕統論	三〇
散濕之劑	三二
滲利之劑	三三
下濕之劑	三四
上下分消之劑	三四

瘟疫大法……………三六

卷二

痰飲統論……………一

治痰七法……………二

攻逐……………三

消導……………六

和……………九

補……………一〇

溫……………一〇

清……………一三

潤……………一四

飲食……………一五

傷食……………一五

傷酒……………一八

不能食……………一九

穀勞……………二三

食亦……………二四

諸血統論……………二五

風熱吐血……………二六

鬱熱失血……………二七

暑毒失血……………二九

畜熱吐血……………三〇

氣逆失血……………三二

勞傷失血……………三三

陽虛失血……………三四

傷胃吐血……………三五

鼻衄……………三六

齒衄	三九
舌衄	四〇
大衄	四一
大便下血統論	四二
結陰便血	四二
濕熱便血	四四
中虛脫血	四五
腸痔下血	四六
澀血	四七

卷二

膈噎反胃統論	一
痰膈	三
血膈	四

氣膈	七
蟲膈	九
雜療方	一〇
虛勞統論	一一
虛勞營衛不足	一三
肺勞	一五
心勞	一七
腎勞	一八
脾勞	一九
風勞	二一
熱勞	二四
乾血勞	二八
傳尸勞	二九
發熱統論	三一

勞倦發熱	三三
火鬱發熱	三三
血虛發熱	三四
陽浮發熱	三五
痰積發熱	三五
瘀血作熱	三六
骨蒸熱	三六
食積酒毒發熱	三七
惡寒	四四
瘧疾統論	四六
風瘧	四九
溫瘧	四九
濕瘧	五〇
痺瘧	五一

卷四

牡瘧	五一
痰瘧	五二
食瘧	五三
虛瘧	五四
痰瘧	五五
尸疰	一
五尸	一
諸疰	五
鬼迷鬼擊	六
癩狂驚癩	七
黃疸	一四
穀疸	一六

酒疸	一九
女勞疸	二〇
陰黃	二一
虛黃	二三
表邪發黃	二三
急黃	二五
消渴統論	二五
水病	三〇
風水	三〇
皮水	三一
石水	三四
腎水	三五
脹滿統論	三六
脾脹	三六

肝脹	三九
臌脹	四〇
血脹	四一
食脹	四二
熱脹	四三
寒脹	四四
實脹	四五
虛脹	四六
積聚統論	四七
肥氣	四八
伏梁	五〇
痞氣	五〇
息賁	五一
奔豚	五一

氣積……………五一

血積……………五二

伏瘕……………五三

石瘕瘕聚……………五四

米瘕……………五四

肉積……………五五

通治諸積……………五六

卷五

頭痛統論……………一

風頭痛……………四

熱厥頭痛……………六

濕熱頭痛……………七

寒溼頭痛……………九

痰厥頭痛……………九

腎虛頭痛……………一二

肝厥頭痛……………一三

食積頭痛……………一四

血虛頭痛……………一四

氣虛頭痛……………一五

偏頭痛……………一七

雷頭風……………一八

大頭痛……………一九

項背痛……………二一

臂痛……………二二

眩暈……………二三

風虛眩暈……………二四

肝厥頭暈……………二五

下虛眩暈	二五
熱風頭眩	二六
耳病統論	二六
風聾	二七
厥聾	二九
腎虛耳聾	三〇
膿耳聾耳	三一
鼻	三二
鼻淵鼻塞	三三
舌	三五
舌脹舌出	三五
口	三六
口瘡	三六
齒	三八

卷六

齒痛	三八
咽喉	四二
客熱咽痛	四四
客寒咽痛	四七
咽痛失音	四八
咽喉妨悶	四九
喉痺諸法	五一
心痛統論	一
熱厥心痛	三
心寒痛	四
心虛痛	六
氣刺心痛	七

血瘀心痛	八
虻蛟心痛	九
胃脘痛	一一
痰積胃脘痛	一一
肝乘胃痛	一二
腎逆胃痛	一二
腹痛	一三
寒冷腹痛	一三
熱痛	一六
冷熱痛	一七
風痛	一八
食積痛	一九
死血痛	二一
腰痛	二一

風虛腰痛	二二
濕冷腰痛	二三
濕熱腰痛	二四
腎虛腰痛	二五
食積腰痛	二七
瘀血腰痛	二七
脇痛統論	二八
肝鬱脇痛	二九
肝虛脇痛	三〇
腎虛胸脇痛	三二
肝火脇痛	三二
汚血脇痛	三三
息積	三五
四肢腫	三六

顫振	三七
脚氣之源	三七
脚氣痺攣	三八
脚氣脚膝腫痛	四〇
脚氣少腹不仁	四一
脚氣上氣	四二
脚氣衝心	四三
脚氣腫滿漸成水狀	四五
脚氣差後復發	四五
痺症統論	四六
行痺	四七
痛痺	四八
著痺	四九
熱痺	五二

卷七

腸痺	五三
胞痺	五四
臂痺	五五
攣症	五六
咳嗽統論	一
冷嗽	二
熱嗽	四
鬱熱嗽	七
飲氣嗽	八
食積欬嗽	一一
燥欬	一二
虛寒嗽	一四

腎咳	一五
欬嗽失音	一六
喘統論	一八
痰實肺閉	一九
水氣乘肺	一九
寒邪入肺	二〇
令火爍肺	二一
腎虛氣逆	二一
齁喘	二二
血積肝傷	二四
嘔吐統論	二四
剛壯之劑	二六
清涼之劑	二六
消痰逐水之劑	二七
消食去積之劑	二九
行氣之劑	三〇
去風和胃之劑	三一
理中安虵之劑	三一
導利之劑	三二
益胃之劑	三三
欬嗽嘔吐痰血飲食	三三
泄瀉諸症統論	三四
濕瀉	三五
寒瀉	三七
熱瀉	三九
久泄	四〇
腎泄	四三
飧泄	四五

痢疾治法統論……………四八

分治痢症諸方……………五〇

寒下之劑……………五〇

和利之劑……………五一

疎解之劑……………五三

溫通之劑……………五四

溫補之劑……………五四

冷澀之劑……………五五

和養之劑……………五六

卷八

夢遺精滑……………一

清心之劑……………二

清燥濕熱之劑……………四

秘固精氣之劑……………七

赤白濁……………八

便閉統論……………九

虛悶……………一〇

實悶……………一二

風悶……………一三

冷悶……………一四

熱悶……………一四

氣悶……………一五

閉癰遺溺……………一六

小便不通……………一八

小便不禁……………二一

交腸……………二三

諸淋……………二三

沙石淋	二五
勞淋	二七
血淋	二八
氣淋	三〇
膏淋	三二
疝症統論	三三
溫劑之劑	三五
逐水之劑	三八
除濕之劑	三八
降心火之劑	三九
和血之劑	四〇
散氣之劑	四〇
寒熱兼行之劑	四一
逐氣流經之劑	四二

診候生死要法	四二
--------	----

金匱翼

清 吳門 尤 怡在涇編集

鄞縣 曹赤電炳章園校

卷一

中風統論

中風之病。昔人有真類之分。蓋以賊風邪氣所中者爲真。痰火食氣所發者爲類也。以愚觀之。人之爲病。有外感之風。亦有內生之風。而天人之氣。恆相感召。真邪之動。往往相因。故無論賊風邪氣從外來者。必先有肝風爲之內應。卽痰火食氣從內發者。亦必有肝風之始基。設無肝風。亦祇爲他病已耳。寧有卒倒偏枯歪僻牽引等症哉。經云。風氣通於肝。又云。諸風掉眩。皆屬於肝。諸濕腫滿。皆屬於脾。諸寒收引。皆屬於腎。由此觀之。則中風之病。其本在肝。猶中溼之屬於脾。中寒之屬於腎也。雖五藏各有中風之症。然風在他藏。則又顯他藏之證矣。豈如今人之所

謂中風哉。而其爲病則有藏府經絡淺深之異。口眼歪邪。絡病也。其邪淺而易治。手足不遂。身體重痛。經病也。邪差深矣。故多從倒仆後見之。卒中昏厥。語言錯亂。府病也。其邪爲尤深矣。大抵倒仆之候。經府皆能有之。其倒後神清識人者在經。神昏不識人者在府耳。至於唇緩失音。耳聾目瞶。遺尿聲鼾等症。則爲中藏。病之最深者也。然其間經病兼府者有之。藏病連經者有之。府藏經絡齊病者有之。要在臨病詳察也。至於真邪虛實之故。治法通塞之宜。苟不預爲講求。何以應斯倉卒哉。夫邪氣所觸者。邪風暴至。真氣反陷。經絡府藏。卒然不得貫通。不相維繫。內經所謂邪風之至。疾如風雨是也。藏邪所發者。藏氣內虛。肝風獨勝。卒然上攻九竅。旁溢四肢。如火之發。如泉之達。而不可驟止。肝象木而應風。而其氣又暴故也。又邪氣所觸者。風自外來。其氣多實。肝病所發者。風從內出。其氣多虛。病虛者氣多脫。病實者氣多閉。脫者欲其收。不收則死。閉者欲其通。不通亦死。約言治要。蓋有八法。茲用條列於後。神而明之。存乎其人耳。又五藏中風分治之方。余見古方龐雜失旨。不適於用。謹刪正五方。并錄出以備檢用云。

夫醫之治病。猶將之禦敵。宰之治民也。禦敵有法。奇正虛實。隨機應變。不知法。則不足以禦敵矣。治民有道。刑政教化。以時而施。不明道。則不足以臨民矣。病有陰陽表裏。虛實緩急之殊。醫有寒溫汗下。補瀉輕重之異。不知此。則不足以臨病矣。故立中風八法。以應倉卒之變。至於隨證緩調。另詳其法於後。蓋病千變。藥亦千變。凡病皆然。不獨中風。余於此首言之者。亦一隅三反之意爾。

一曰開關

卒然口噤。目張。兩手握固。痰壅氣塞。無門下藥。此爲閉證。閉則宜開。不開則死。搐鼻。揩齒。探吐。皆開法也。

白礬散聖濟 治急中風。口閉涎止。欲垂死者。

白礬二兩 生薑一兩連皮搗水二合

右二味。合研濾。分三服。旋旋灌之。須臾吐出痰毒。眼開風退。方可服諸湯散救治。若氣衰力弱。不宜吐之。

又方

白礬如拇指大 豆二粒去
一塊爲末 巴豆皮膜

右將二味。於新瓦上煨令焦赤為度。煉蜜丸。芡實大。每用一丸。綿裹。放患人口中。近喉處良久。吐痰立愈。一方加牙皂一錢。煨研取三分。吹鼻中。

急救稀涎散本事 治中風涎潮。口噤氣閉不通。

猪牙皂角四便肥實不姓者去黑皮

晉 礬光明者一兩

右為細末和勻。輕者半錢。重者一錢匕。溫水調灌下。不大嘔吐。但微微冷涎出。

一二升。便得醒。次緩緩調治。大服亦恐過傷人。孫兆方

勝金丸本事 治同前。

生薄荷半兩

猪牙皂角二兩。鹽碎水一升。二味同。浸。杵汁。慢火熬成膏。

瓜蒂末

藜蘆末各一兩

硃砂半兩

右將硃砂末一分。與二味末研勻。用膏子搜和。丸如龍眼大。以餘硃砂為衣。溫酒化一丸。甚者二丸。以吐為度。得吐即省。不省者不可治。

二曰固脫

猝然之候。但見目合口開遺尿自汗者。無論有邪無邪。總屬脫症。脫則宜固。急在元氣也。元氣固。然後可以圖邪氣。

參附湯

人參 製附子

用參須倍於附。或等分。不拘五錢或一兩。酌宜用。薑水煎服。有痰加竹瀝。

三曰泄大邪

昔人謂南方無真中風病。多是痰火氣虛所致。是以近世罕有議解散者。然其間賊風邪氣亦間有之。設遇此等。豈清熱益氣理痰所能愈哉。續命諸方所以不可竟廢也。俟大邪既泄。然後從而調之。

小續命湯 河間云。中風面加五色有表症。脈浮而惡寒。拘急不仁。此中風也。宜

以加減續命。隨症治之。古今錄驗

麻黃 桂枝 杏仁 芍藥

甘草 人參 川芎 防己

黃芩各一兩 附子半兩 防風半兩

右為粗末。每服五七錢。水一盞半。生薑五片。煎至一盞去滓。稍熱服。食前。加減法。無汗惡寒。加麻黃。防風。杏仁。有汗惡風。加桂枝。芍藥。杏仁。無汗身

熱不惡風。加葛根二兩。桂枝、黃芩各依本方加一倍。有汗身熱不惡寒。加石膏。知母各二兩。甘草一兩。無汗身寒。加附子半兩。乾薑二兩。甘草三兩。有汗無熱。加桂枝、附子、甘草各依本方加一倍。肢節攣痛。或木不仁。加羌活四兩。連翹六兩。凡中風不審六經之加減。雖治之。不能去其病也。

戴氏加減法。多怒。加羚羊角。熱而渴。去附子。加秦艽。恍惚錯語。加茯神、遠志。不得睡。加棗仁。不能言。加竹瀝。神虛無力。去麻黃。加人參。

又雲岐子加減。見準繩類方

三化湯古方。河間云中風外有六經之形證。先以加減續命湯。隨症汗之。內有便溺之阻隔。復以三化湯下之。

厚朴

枳實

大黃

羌

活各等

右剉如麻豆大。每服三兩。水三升。煎至一升半。終日服之。以微利為度。經云。脾胃太過。則令人四肢不舉。又曰。土太過則敦阜。阜高也。敦厚也。既厚而又高。則令除去。此真膏粱之疾。非肝腎經虛之候也。何以明之。經云。三陰三陽發病。為偏枯痿易。王注云。三陰不足。則發偏枯。三陽有餘。則為

痿易。易爲變易常用。而痿弱無力也。其治宜三化湯。瀉令氣弱陽衰土平而愈。若脾虛則四肢亦不用也。經云。土不及則卑監。卑者下也。監者陷也。坑也。四肢皆稟氣於胃。而不得至經。必因於脾。乃得稟也。今脾不能爲胃行其津液。四肢不得稟水穀氣。日以益衰。脈道不利。筋骨肌虛。皆無氣以生。故不用焉。其治則宜十全散。加減四物。去邪留正也。

按。續命三化。並攻泄大邪之劑。人壯氣實者宜之。若氣弱無力者。不可用也。余故錄肘後等方於後。以備參用。蓋醫者法必求備。而用必極慎也。

肘後紫方 療中風脊強身瘳如弓。

雞 屎 二 升

大 豆 一 升

防 風 三 兩

水二升。先煮防風取三合汁。豆雞矢二味。熬令黃赤色。用酒二升。淋之去滓。然後入防風汁。和分再服。相去人行六七里。覆取汗避風。

荊芥散 治中風口噤。四肢搐搦。或角弓反張。

荊 芥

一味。略炒爲末。酒服二錢。

賈似道云。此方出曾公談藝錄。前後用之甚驗。其子名順者。病此已革。服之立定。真再生丹也。華佗愈風散。治婦人產後中風口噤。手足痲癱如角弓。或產後血暈。不省人事。四肢強直。或心眼倒築。吐瀉欲死者。亦只此一味。微炒為末。每服三錢。豆淋酒調服。或童子小便服之。口噤則挾齒灌下。藥下如神。王貺指迷方。加當歸等分。水煎服。

豆淋酒法

黑豆二升。熬令聲絕。酒二升。納鐺中急攪。以絹濾取清。頓服取汁。

續命棗散 復營衛却風邪。

桂枝七分

白芍

甘草

防風

獨活

人參

熟地黃

當歸

川芎

荊芥穗

細辛

遠志去心

乾葛

半夏各五分

右剉作一貼。入薑三片。水煎服。

四曰轉大氣

大氣不息之真氣也。不轉則息矣。故不特氣厥類中。即真中風邪亦以轉氣為先。經云。大氣一轉。邪氣乃散。此之謂也。

八味順氣散嚴氏。凡患中風者。先服此順養真氣。次進治風藥。

人參 白朮 茯苓 陳皮

青皮 台州烏藥 香白芷各一兩 甘草半兩

右咬咀。每服三錢。水一盞。煎七分。溫服。

勻氣散良方。即順風勻氣散。

白朮 烏藥一錢 人參 天麻一錢

沉香 青皮 白芷 木瓜

紫蘇 甘草各五分

右剉作一貼。薑三片。水煎服。

五曰逐痰涎

或因風而動痰。或因痰而致風。或邪風多附頑痰。或痰病有如風病。是以掉搖眩暈。倒仆昏迷等證。風固有之。痰亦能然。要在有表無表。脈浮脈滑為辨耳。風病兼

治痰則可。痰病兼治風則不可。

滌痰湯 治中風痰迷心竅。舌強不能言。

南星製 半 夏泡七次 各二錢

枳實炒

茯苓各二錢

橘紅半錢 石菖蒲

人參各一錢

竹茹七分

水一鍾半。生薑五片。煎八分。食後服。

清心散 治風痰不開。

薄荷 青黛

硼砂各二錢

牛黃

冰片各三分

右為細末。先以蜜水洗舌。後以薑汁擦舌。將藥末蜜水調稀。搽舌本上。

六曰除熱風

內風之氣。多從熱化。昔人所謂風從火出者是也。是證不可治風。惟宜治熱。內經云。風淫於內。治以甘涼。外臺云。中風多從熱起。宜先服竹瀝湯。河間云。熱盛而生風。或熱微風甚。即兼治風也。或風微熱甚。但治其熱。即風亦自消也。竹瀝湯 治熱風。心中煩悶。言語蹇澀。

竹瀝

荆瀝各五

生薑汁三合

右三味相和。溫服三合。以酒調服。良。一方竹瀝。荆瀝。梨汁各二合。陳醬汁半合。相合。微煎一二沸。濾清。細細灌入口中。治中風不語。昏沉不識人。一方竹瀝五合。人乳汁二合。三年陳醬汁半合。三味相和。分三服。治熱風舌強不得語。心神煩悶。一方竹瀝二升。生葛汁一升。生薑汁三合。三味相和。溫分三服。日夜各一服。

地黄煎 治熱風。心煩悶及脾胃間熱。不下食。

生地汁

枸杞根汁各二

生薑汁一升

酥三升

荆瀝

竹瀝各五

天冬

人參各八兩

茯苓六兩

梔子仁

大黃四兩

右先煎地黄等汁成膏。餘五物為散。內攪調。每服一匕。日再。漸加至三七。覺利減之。

七曰通竅隧

風邪中人。與痰相搏。閉其經隧。神暴昏脹。暴絕者。急與蘇合。至寶之屬以通之。蓋

惟香藥為能達經隧通神明也。

蘇合香丸

白朮

硃砂研

烏犀角屑

青木香

香附

訶子煨取肉

白檀香各二兩

龍腦研五錢

薰陸香

安息香另末無灰酒一升熬膏

沉香二兩

蘇合香油入安息香膏內各一兩

麝香研七錢半

丁香

葶撥各二兩

右為細末。入研藥勻。用安息香膏。并煉白蜜和劑。每服旋丸。如梧桐子大。清晨

取井花水。溫冷任意化服四丸。溫酒亦得。空心服。

至寶丹方詳準繩不贅

八曰灸膻穴

中風卒倒者。邪氣暴加。真氣反陷。表裏氣不相通故也。灸之不特散邪。抑以通表裏之氣。又真氣暴虛。陽絕於裏。陰陽二氣不相維繫。藥石卒不能救者。亦惟灸法為能通引絕陽之氣也。

灸風中腑。手足不遂等症。

百會一穴。在頂中央旋毛中陷可容豆許

髮際是兩耳前兩穴。

肩髃二穴。在肩端兩骨間陷者宛宛中舉臂取之

曲池二穴。在肘外輔屈肘曲骨中以手拱胸取之橫紋頭陷中是

風市二穴。在膝外兩筋間平立舒下手指著腿當中指頭盡處陷者宛宛中

足三里二穴。在膝眼下三寸胫外廉兩筋間

絕骨二穴。在足外踝上三寸動脈中

灸風中臟。氣塞涎潮。不語昏危者。下火立效。

百會一穴。

大椎一穴。第一名百勞在項後第一推上陷中

風池二穴。在顛顛後髮際陷中

肩井二穴。在肩上陷解中缺盆上大骨前一寸半以三指按取之當其中指下陷者中是

曲池二穴。

間使二穴。在掌後三寸兩筋間陷中

足三里二穴。

灸風中脈。口眼歪斜。

聽會二穴。在耳前陷中張口得之動脈應手

頰車二穴。在耳下入分

地倉二穴。在俠口吻旁四分近下有脈微動者是

凡喎向右者為左邊脈中風而緩也。宜灸左喎陷中二七壯。喎向左者為右邊脈中風而緩也。宜灸右喎陷中二七壯。艾炷大如麥粒。頻頻灸之。以取盡風氣。口眼正為度。

灸中風卒厥。危急等症。

神闕。用淨鹽炒乾。納臍中令滿。上加厚薑一片蓋之。灸百壯。至五百壯。愈多愈妙。薑焦則易之。

丹田。臍下三寸氣海。臍下五寸二穴俱連命門。為生氣之海。經脈之本。灸之皆有大效。

凡灸法炷如蒼耳大。必須大實。其艾又須大熟。初得風之時。當依此次第灸之。火下卽定。千金翼云。愈風之法。火艾特有奇能。針石湯藥。皆所不及也。灸法。頭面上炷艾。宜小不宜大。手足上乃可粗也。又須自上而下。不可先灸下。後灸上。

趙氏曰。口之喎。灸以地倉。目之斜。灸以承泣。苟不效。則灸人迎。夫氣虛風實而爲偏。上不得出。下不得泄。真氣爲風邪所陷。故宜灸。經云。陷下則灸之是也。

范子默記崇寧中。凡兩中風。始則口眼歪邪。次則涎潮閉塞。左右共灸十二穴。得通氣。十二穴者。聽會、頰車、地倉、百會、肩髃、曲池、風市、足三里、絕骨、髮際、大椎、風池也。依而用之。無不立效。

羅謙甫云。凡治風。莫如續命湯之類。然此可以扶持疾病。要收全功。必須艾火爲良。

已上八法。不過約言治要耳。而風氣善行數變。證狀不一。茲更備舉諸風。條列如左。學者習而通焉。則思過半矣。

擬五藏中風分治之方

新定腎風菴蓉丸

菴蓉

熟地

防風

虎骨

山藥

牛膝各一兩

黑豆

石斛

當歸

獨活各七錢半

蜜丸梧子大。每百丸。空腹食前酒下。

新定肺風人參湯

人參一兩

麻黃八錢

羚羊角三錢

白蘚皮三錢

防風一兩

桔梗五錢

杏仁廿一

石膏七錢

甘草五錢

右為散。每服三錢。水煎。去滓溫服。

新定脾風白朮湯

白朮

白茯苓

防風

防己各七錢五分

人參

甘草各五錢

白芍

附子

麻黃

薏仁各一兩

右剉如麻豆大。每服三錢。水煎。入生薑汁半分。同煎取七分。去滓。服無時。日三。

新定心風犀角丸

人參二兩

犀角一兩

遠志

生地黄

天冬各五錢

石菖蒲五錢

赤箭

紫石英各五錢

防風七錢

茯苓三兩

細辛三錢

丹砂一兩即辰砂

龍腦

麝香各一錢

右為末。蜜丸雞豆大。每服一丸。溫酒下無時。

新定肝風天麻散

天麻二兩

川芎一兩

人參一兩

羚羊角一兩五錢

犀角七錢

烏蛇三寸

柏子仁

酸棗仁

鈎藤各一兩半

甘菊一兩

右為散。豆淋酒下一錢匕。漸加至二錢匕。日三夜一。

中風失音不語

失音者。語無音聲。蓋即瘖也。夫喉嚨者。氣之所上下也。會厭者。聲音之門戶也。其氣宣通。則聲音無所阻礙。若風邪搏於會厭。則氣道不宣。故令人失音。其邪氣入藏者。則并不能言語也。外臺云。肝風其口不能言。脾風聲不出。或上下手。又云。脾之脈挾喉連舌本。心之別脈係舌本。今心脾藏受風邪。故舌強不得語也。河間云。內奪而厥。謂腎脈虛弱。其氣厥不至舌下。則舌瘖不能言。足廢不能用。經名瘖痺。地黃飲子主之。比而論之。失音者。語言如故。而聲音不出。為藏之虛也。舌強不能語。雖語而蹇澁不清。痰涎風氣之所為也。不語者。絕無語言。非神昏不知人。即藏氣厥不至舌下。要須分別治之。

河間地黃飲子

熟地黃

巴戟去心

石斛

山茱萸

菴蓉酒浸

附子炮

五味子

肉桂

白茯苓

麥冬

石菖蒲

遠志等分

右為末。每服三錢。水一盞半。生薑五片。棗一枚。薄荷七葉。同煎至八分。服無時。

滌痰湯

清心散二方並見前
逐痰涎門

寶鑑茯神散

茯神心炒一兩

薄荷焙二兩

蠹梢去毒五錢

右為末。每服一二錢。溫酒調下。此治風氣挾痰不語之劑。

口眼歪斜

足陽明脈。循頰車。手太陽脈。循頸上頰。二經俱受風寒。筋急引頰。令人口喎。目不能正視。又云風入耳中。亦令口喎。緣坐臥處對耳有竅。為風所中。筋牽過一邊。連眼皆緊。睡著一眼不合者是也。

外臺治中風面目相引。口喎。牙車急。及舌不得轉方。

獨活三兩

竹瀝

生地黄汁各一升

三味合煎。取一升頓服之。即愈。

又方

牡蠣

礬石

附子

竈下黄土

右各等分爲末。取三年雞冠血。和藥敷其上。候復故。便洗去之。千金翼云。左喎塗右。右喎塗左。

戴元禮云。有無故口眼喎斜。投以中風藥不效。蓋緣骨虛中受風邪所致。當於此求之。不可例作尋常中風治之。

又方

草麻子去殼爛搗。右喎塗左。左喎塗右。或以鱧血入麝香少許塗之。

偏風

偏風者。風邪偏客身之一邊也。其狀或左或右。手不能舉。足不能履。內經所謂風邪之氣。各入其門戶。所中則爲偏風是也。亦有陰陽偏廢。左右不相貫通。或凝痰死血。壅塞經絡者。其狀與偏風等也。蓋左右者。陰陽之道路。不可偏也。偏則陰陽傾而隔矣。經絡者。血氣所流注。不可塞也。塞則氣血壅而廢矣。和利陰陽。疏滲經絡。治內傷之道也。大藥攻邪。針熨取汗。治外感之道也。

甄權防風湯 療偏風

防風一兩 羌活一兩 川芎一兩 白芷一兩

葛根二兩 杏仁二兩 白朮一兩 人參二兩

牛膝一兩 狗脊一兩 葶藶一兩 薏仁二兩

麻黃四兩 石膏二兩 桂心二兩 生薑五兩

水一斗二升。煮取三升。分三服。服一劑覺好。更進一劑。灸風池、肩髃、曲池、支溝、

五樞、陽陵泉、巨墟、下廉、合七穴一度。灸之即差。外臺

麻子仁湯 聖濟 治偏風手足不遂。口眼喎斜。

麻子仁 黑豆緊小 鵲巢各二 垂柳枝半寸長

四味。先以酒七升。煮柳枝取五升。炒鵲巢、麻仁、黑豆等令黃。乘熱投柳枝酒內。

須更去滓。令淨。每服旋取溫服二合至三合。空心。臨臥各一服。

活絡丹

川烏 草烏並泡去皮 膽星各六 地龍去土焙乾

乳香去油 沒藥各二兩

蜜丸桐子大。每服二三十丸。溫酒下。

戴氏云。病症有終身不愈者。其在腰或屈而不能伸。或伸而不能屈。在手足亦然。治法活血為多。多服四物湯。吞活絡丹佳。夜合醞酒方。治中風手足攣縮不能屈伸。

夜合枝

桑枝

槐枝

柏枝

石榴枝

各生用五兩

羌活

二兩

防風

五兩

糯米

五升

黑豆

生用五升

細麴

七斤

共十味。以水五斗浸五枝。同煎取二斗五升。去滓。浸米豆二宿蒸熟。與麴、羌活二味。採和造酒。依常醞法。封七日。壓去糟。取清酒三合。至五合。時飲之。令常有酒氣。勿令過醉傷氣。

熨法 治中風骨節疼痛。

天麻

半夏

細辛

各二兩

絹袋二個各盛藥令勻。蒸熱交互熨痛處。汗出則愈。數日再熨。

歷節痛風

歷節風者。血氣衰弱。風寒襲入關節。不得流通。真邪相攻。所歷之節。悉皆疼痛。故謂歷節風也。病甚則使人短氣自汗。頭眩欲吐。肢節攣曲。不可屈伸。亦有熱毒流入四肢者。不可不知。

歷節腫痛。的是濕病。由飲酒當風。或汗出入水所致。經云。濕流關節是也。挾寒者。其痛如掣。挾風者。黃汗自出。其遍身走癢。澈骨疼痛。晝靜夜劇。發如蟲嚙者。謂之白虎歷節。

沒藥散

沒

藥研半兩

虎脛骨

酥炙三兩

二味搗末。每服二錢。溫酒調下。日三。

大棗湯

大

棗十五枚

附子一枚

甘草一兩

黃耆四兩

麻

黃五兩

生

薑二兩

水七升。煮取三升。每服一升。日三。

白頭翁酒

治諸風攻痛。四肢百節。

白頭翁草一握。搗以醇酒。投之頓服。

又方

黑豆炒半

威靈仙二兩

桑根白皮一兩

三味用醇酒一升半。煎取八合去滓。頓服之。桑皮換桑枝佳。張杲嘗患兩臂痛。服諸藥無效。一教取桑枝一小升切細炒香。以水三大升。煎取二升。一日服盡。無時數劑而愈。

犀角湯 治熱毒流入四肢。歷節腫痛。千金

犀角二兩

羚羊角一兩

前胡

黃芩

梔子仁

射干各三兩

大黃

升麻各四兩

豉一兩

水九升。煮取三升。去滓。分三服。方有獨活一兩半。元參、生乾地黃各一兩。牛蒡根半兩。無黃芩。射干、大黃。蓋熱毒非苦寒不能瀉而去之。而熱傷陰氣者。又須甘寒以滋益之。至於攻走骨節。則獨活、牛蒡根尤有專長也。

白花蛇散

白花蛇酒浸去毒 何首烏去毒

蔓荆實 牛膝酒浸各

威靈仙 荆芥穗 旋覆花各二兩

七味搗末。每一錢溫酒調下。空心臨臥服。

牛膝湯

牛膝酒浸 當歸 赤芍各一兩 虎骨酥炙令

芒硝別研 芎藭各半兩 桃仁去皮尖雙仁

七味為散。每服空心。溫酒調下一錢至二錢。

抵聖散

虎脛骨不計多少打破酒浸薰酒旋炙令黃脆為度

一味為散。每服半錢。入薄荷末一錢。人參末半錢。煎乳香酒調下。

仁齋云。虎骨酥炙黃搗碎如米。每骨一升。以酒三升。浸五日。空心服一盞。冷則煖之。

麝香丸。治白虎歷節。諸風疼痛。游走無定。狀如蟲螻。晝靜夜劇。及一切手足不

測疼痛。

大川烏入角者三全 蠍三十用 黑豆二十用 地龍去土五

右為細末。入麝香半字。約三同研勻。糯米飲糊丸。如菉豆大。每服七丸。甚者十

丸。夜臥令膈空。溫酒下。微出冷汗一身便瘥。

許叔微云。予得此方。凡是歷節。及不測疼痛。一二服便瘥。在歙州日。有一貴家婦人。遍身走注疼痛。至夜則發。如蟲嚙其肌。多作鬼邪治。予曰。此正歷節痛。三服愈。

鶴膝風

蟬蛻丸

蟬蛻一條頭

白附子

阿魏

桂心

白芷各一兩

乳香三分

當歸

芍藥

北漏蘆

威靈仙

地骨皮

牛膝

羌活

安息香

生桃仁各一兩同研沒 藥三分

右十六味。蟬蛻、桃仁、白附、阿魏、桂心、白芷、安息香、乳香、沒藥九味。同童子小便并酒二升炒熟。冷後入餘藥為丸。蜜丸。彈子大。空心溫酒化下一丸。蟬蛻即全

甘辛平有毒主諸風癱瘓及中風半身不遂口眼歪斜語謇手足抽掣

風緩

風緩。即攤緩。其候四肢不舉。筋脈關節無力。不可收攝者。謂之攤。其四肢雖能舉動。而肢節緩弱。憑物不能運用者。謂之緩。或以左為攤。右為緩。則非也。但以左得之病在左。右得之病在右耳。推其所自。皆氣血虛耗。肝腎經虛。陰陽偏廢而得之。或有始因他病。服吐下之藥過度。亦使真氣內傷。營衛失守。一身無所稟養而然也。聖濟

風緩者。風邪深入而手足為之弛緩也。夫脾主肌肉四肢。胃為水穀之海。所以流布水穀之氣。周養一身。脾胃既虛。肢體失其所養。於是風邪襲虛。由腠理而入肌肉。由肌肉而入脾胃。安得不為之緩廢乎。又人之一身。筋骨為壯。肝主筋。腎主骨。肝腎氣虛。風邪襲之。亦有肢體緩弱之症。是當先去風而後益之。仁齋

天麻

龍骨

虎骨

骨碎補

烏蛇酒浸引皮骨 白花蛇同上 羌活 獨活

惡實根 牛膝各半兩 松節剉 敗龜板酥炙

乾熟地黄 當歸 川芎 茄根

附子一枚泡去皮臍 大麻仁 原蠶沙炒各兩

共十九味。ㄎ咀如麻豆。用酒二斗浸。密封。春夏三日。秋冬七日。每一盞。不拘時

溫服。

四斤丸 治風寒濕毒。與氣相搏。筋骨緩弱。四肢痠疼痒痺。

宣木瓜去穢切焙 天麻 牛膝焙 菴蓉洗切

右四味各一斤。用好酒浸三日。外用熟附子、虎骨酥炙各二兩為末。用浸藥酒

調糊。糊丸桐子大。每服三四十九。食前溫酒或豆淋酒下。

一方加當歸三兩。乳香沒藥五靈脂各半兩。麝香一錢。名大四斤丸。

新定

人參 黃耆各半兩 白朮 何首烏

肉菴蓉 兔絲子 牛膝各四兩 白茯苓

川萆薢

骨碎補

狗脊

川附子各三兩

川烏

羌活

防風

地龍

全蠍各一兩

右為末。酒糊丸。梧子大。每服五十丸。溫酒下。

風瘙癢

風瘙癢者。表虛衛氣不足。風邪乘之。血脈留滯。中外鼓作。變而生熱。熱即瘙癢。久不瘥。淫邪散溢。搔之則成瘡也。

防風湯淋洗方

防風

苦參

益母草各三兩

白蒺藜炒五兩

荊芥穗

蔓荊實

枳殼各二兩

每用三兩水一斗。煎至八升。乘熱淋洗患處。

松葉酒方

松葉一斤。酒一斗。煮三升。日夜服。出汗。

胡麻散 治脾肺風毒。攻注皮膚瘙癢。手足生瘡。及遍身痞癩。發赤黑靨子。肌熱疼痛。

胡麻炒令香熟

枳殼各二兩

防風

蔓荊實

威靈仙

苦參

何首烏米泔浸透去黑皮炒乾

川芎

荆芥穗

甘草炙各一兩

薄荷半兩

右為散。每服二錢。溫酒下。或煉蜜丸。梧子大。每服三十九。

洗方思永堂松年大伯常用此方治遍身瘡。寫作養以之浴身後先父用之無不效。

紫背浮萍半碗 稀荬草一握

蛇牀子五錢

蒼耳子一兩

防風五錢

煎湯熏洗數次。無不愈者。

諸濕統論

濕氣不一。有天之濕。霧露雨是也。天本乎氣。故先中表之營衛。有地之濕。水。泥是也。地本乎形。故先傷皮肉筋骨血脈。有飲食之濕。酒。水。乳。酪之類是也。傷於脾胃。

有汗液之濕。汗液亦濕也。止感於外。有人氣之濕。太陰濕土之所化也。乃動於中。天之濕。汗之。地之濕。滲之。飲食之濕。在上吐之。在中奪之。在下者引而竭之。汗液之濕。亦以汗取之。人氣之濕。屬太陰所化。在氣交之分。土兼四氣。寒熱溫涼。升降浮沉。備在其中。當分上下中外而治。以兼化四氣。淫佚上下中外。無處不到也。大率在上則病頭重胸滿嘔吐。在外則身重腫脹。在下則足脛附腫。在中則腹脹中滿痞塞。其所用藥。亦兼寒熱溫涼。以爲佐使而治之。

濕之爲病。有自外入者。有自内生者。必審其方土之病本。東南地下。多陰雨。地濕。凡受必從外入。多自下起。是以重腿脚氣者多。治當汗散。久者宜疏通滲泄。西北地高。人食生冷濕麵。或飲酒後。寒氣怫鬱。濕不能越。或腹皮脹疼。甚則中滿水蠱。或週身浮腫如泥。按之不起。此皆自內而生者也。審其元氣多少。而通利其二便。責其根在內者也。然方土內外。亦互相有之。但多少不同。須對症施治。不可執一也。

中濕與風寒氣合者爲痺。其寒多者爲痛。爲浮腫。非朮附桂不能去也。其風多者爲煩劇。爲流走。非麻黃薏苡烏頭不能散也。其濕多者爲堅滿。爲氣閉。非甘遂葶

蘼、枳、朮不能泄也。

散濕之劑

麻黃加朮湯 金匱云。濕家身煩疼。可與麻黃加朮湯。發其汗為宜。慎不可以火攻之。

麻黃 三兩 去節

桂枝 二兩 去皮

甘草 一兩 炙

白朮 四兩

杏仁 七十個 去皮尖

水九升。先煮麻黃減二升。去上沫。內諸藥。煮取二升半。去滓。溫服八合。覆取微汗。

按此治寒濕在表之劑也。寒固當汗。而濕在表者。亦非汗不解。故以麻黃散寒。以白朮除濕。取微汗者。汗大出則濕反不去也。

麻黃杏仁薏苡甘草湯 治風濕一身盡疼發熱日晡所劇。此病傷於汗出當風。

或久傷取冷所致也。方詳金匱 效不贅

羌活勝濕湯 東垣 治濕氣在表。脈浮身重。不能轉側。自汗。或額上多汗。此為風

濕。

羌活

獨活各一

川芎

藁本

防風

炙草各五分

蔓荊子三分

如腰痛中冷。沉沉然者。有寒濕也。加酒洗漢防己。附子各五分。

按此治風濕在腠理。及關節之劑。吳鶴皋云。無竅不入。惟風藥為能。故凡關節之病。非羌獨等不能到也。

滲利之劑

五苓散

通治諸濕腫滿。嘔逆泄瀉。痰飲濕瘧。身痛身重。

猪苓

茯苓

白朮

澤瀉

桂

為末。每服三錢。服後多飲熱水。汗出愈。

腎著湯

三因

治傷濕身重。腰冷如坐水中。

乾薑

茯苓各四

甘草炙

白朮生各二兩

右每服四錢。水一盞。煎七分。空心溫服。

已上溫利之劑。濕兼寒者宜之。

清熱滲濕湯

黃柏鹽水炒 二錢

黃連

茯苓

澤瀉各一錢

蒼朮

白朮各一錢半

甘草五分

水二鍾煎八分服。

此清滲之劑。濕而熱者宜之。

下濕之劑

舟車神佑丸

甘遂

芫花

大戟各一兩並醋炒

大黃二兩

青皮

陳皮

木香

檳榔各半兩

黑牽牛頭末 四兩

輕粉一錢

取蟲加蕪荑半兩。

為末。水丸。空心服。治法服法詳載準繩痰飲門

青木香丸方見

上下分消之劑

除濕湯百一 治傷濕發熱惡寒。身重自汗。骨節疼痛。小便閉。大便澹。腰脚痺冷。

皆因坐臥卑濕。或冒雨露。或著濕衣所致。

半夏麩炒

厚朴薑製

蒼朮米泔浸炒

生白朮

藿香葉

橘紅

白茯苓各一兩

炙甘草七錢

右咬咀。每服四錢。薑七片。棗一枚。水煎。食前溫服。

升麻除濕湯 治傷濕。腫瀉腸鳴腹痛。

升麻

柴胡

羌活

防風

半夏

益智仁

神麩

澤瀉各五分

麥蘖麵

陳皮

猪苓

甘草各三分

蒼朮一錢

右作一服。生薑三片。棗二枚。水煎去滓。空心服。

東垣云。雖有治濕必利小便之說。若濕從外來而入裏。用滲利之劑以除之。是降之又降。重竭其陽。而復益其陰也。故用升陽風藥。即差大法云。濕淫所勝。必助風以平之也。愚謂濕病用風藥者。是助升浮之氣。以行沉滯之濕。非以風勝之之謂也。又濕在上在表者。多挾風氣。非汗不能去也。荆防羌麻祛風之品。豈能行濕之

事哉。

瘟疫大法

瘟疫之病。近代諸家。多與溫病同論。以其聲稱之同。與病形之似也。然而瘟疫者。天地之厲氣也。最爲惡毒。感之而病者。往往致死。其甚者。致於滅門。若冬春間之溫病。苟調治得理。則未必致死。亦必不傳染多人。故其方法。宜應別論。且也歲運有太過不及之殊。天時有恆雨恆暘之異。是以疫厲之行。亦有表裏寒溫熱濕之分。其可以一概論哉。約而言之。計有三門。若其表裏俱病。而盛於表者。則用東垣普濟消毒之法。若其病不在表。又不在裏。而獨行中道者。則用吳又可達原飲之法。若其表熱既盛。裏症復急。治表治裏。救療不及者。則用陶尚文三黃石膏湯之法。此瘟疫入手法門也。亦有邪氣獨盛於表。而裏無熱症者。則活人敗毒散之治也。亦有寒濕獨行。而病在肌皮胃膈者。則東坡聖散子之證也。合前三法。共爲五法。以余所見。則未有不兼裏者。而有寒濕而無蓄熱。亦十中未得其一二也。然而法不可不備。惟用之者。得其當耳。因並錄五方於左。以見瘟疫之端如此。其病稍

久。或六七日。或十餘日。熱深不解者。則同傷寒溫熱治之。

普濟消毒飲子 東垣

黃芩 酒製 黃連 酒製各五分 人參 三錢 陳皮

元參 各二錢 甘草 連翹 板藍根

馬勃 牛蒡子 僵蠶 升麻 各一錢

柴胡 五分 桔梗 三分

泰和二年四月。民多疫厲。初覺憎寒壯熱。體重。次傳頭面腫盛。目不能開。上喘咽。喉不利。口燥舌乾。俗云大頭傷寒。諸藥雜治。終莫愈。漸至危篤。東垣曰。身半以上。天之氣也。邪熱客於心肺之間。上攻頭目。而為腫耳。須用芩連等藥。共為細末。半用湯調。時時稍熱服之。半用蜜丸。噉化。服盡。良愈。活者甚眾。如大便硬。加酒蒸大黃一錢。或二錢。以利之。腫勢甚者。以砭針刺之。或加防風川芎薄荷。當歸各五錢。水煎。時時服之。

達原飲

檳榔 二錢 草果 五分 厚朴 一錢 芍藥 一錢

甘草五分 黃芩

知母一錢

右七味以水二鍾煎八分服。

吳又可曰。疫癘之邪。從口鼻而入。舍於伏脊之內。去表不遠。附胃亦近。乃表裏之分界。卽內經瘧論所謂橫連膜原是也。感之淺者。或俟有觸而發。感之深者。中而卽病。其始陽格於內。營衛運行之機。阻遏於表。遂覺凜凜惡寒。甚則四肢厥逆。至陽氣困鬱而通厥回。而中外皆熱。昏昧不爽。壯熱自汗。此時邪伏膜原。縱使有汗。熱不得解。必俟伏邪已潰。表氣潛行於內。精氣自內達表。表裏相通。振慄大汗。邪方外出。此名戰汗。脈靜身涼而愈也。若伏邪未盡。必復發熱。其熱有久有淺。因所感之輕重。與元氣之盛衰也。要皆始先惡寒。旣而發熱。至於發出。方顯變症。其症或從外解。或從內陷。外解則易。內陷則險。更有先後表裏不同。有先表後裏者。有先裏後表者。有但表而不復裏者。有但裏而不復表者。有表而裏再表者。有裏而表再裏者。有表裏分傳者。有表多於裏者。有裏多於表者。此爲九傳。從外解者。或發煩。或戰汗。自汗。從內陷者。胸膈痞悶。心下脹滿。腹滿。燥結便閉。熱結旁流。協熱下利。或嘔吐惡心。譫語舌黃。及黑胎芒刺等症。因症用治。脈不浮不沉。而數晝夜。

皆熱。日晡益甚。頭疼身痛。不可用辛熱藥汗之。又不可下。宜用達原飲以透膜原之邪為當也。若見各經。加入引各經藥。不可熱滯。感之輕者。舌胎亦薄。脈亦不甚數。如此者。或從汗解。如不能得汗。邪氣盤錯於膜原。表裏不相通達。未可強汗。衣被逼汗。湯火劫汗也。感之重者。舌上胎如粉膩。藥後反從內陷。舌根先黃。漸至中央。此邪漸入胃也。前方加大黃下之。若脈長洪而數。汗多大渴。此邪氣適離膜原。欲表未表。白虎湯症也。如舌上純黃色。兼見裏症。此邪已入胃。乃承氣湯症也。有兩三日。即離膜原者。有半月十日不傳者。有初得之四五日。厭厭聶聶。至五六日。陡然勢張者。凡元氣勝者。毒易傳化。元氣薄者。邪不易化。即不易傳。不傳則邪不去。淹留日久。愈沉愈伏。因誤進參耆。愈壅愈固。不死不休矣。

石膏 三錢

黃芩

黃連

黃

柏各一錢五分

豆豉半合

麻黃一錢

梔子五枚

右作一服。水二盞。煎至一盞三分。連進三五劑。愈。

按疫邪充斥內外。為頭痛身熱。為煩渴悶亂。發狂不識人。欲表之則裏已急。欲

裏之則表不退。此方清裏解外。合為一方。譬之大軍壓境。孤城四面受圍。雖欲不潰。不可得矣。或千金雪煎。或古今錄驗麥奴丸。並佳。稍輕者。大青消毒湯。又時病表裏大熱欲死方。

大黃

寒水石

芒硝

石膏

升麻

麻黃

葛根

紫葛等分

右為末。方寸匕。水服。日二。

聖散子東坡治一切山嵐瘴氣。時行瘟疫。傷寒風濕等疾。有非常之功。如李侍詔所謂內寒外熱。上實下虛者。此藥尤效通神。宋嘉佑中黃州民病疫瘴大行。得此藥瘡活者不可勝記。蘇東坡撰文勒石以廣其傳。聖散子之功益著。徽州鄭尚書在金陵用此治傷寒。活人甚衆。故知其大能散寒濕。驅除瘴癘。實有超凡之效也。

蒼朮製

防風

厚朴薑製

豬苓

澤瀉各二兩

白芷

川芎

赤芍藥

藿香

柴胡各半

麻黃

升麻

羌活

獨活

枳殼

細辛

吳茱萸炮

藁本

茯苓各七錢

石菖蒲

草豆蔻

夏薑

炙甘草二兩

大附子一枚

右為粗末。每服三錢。水二鍾。漿一枚。煎八分。稍熱服。

活人敗毒散

羌活

獨活

前胡

柴胡

枳殼

白茯苓

桔梗

人參各一兩

川芎一兩

甘草半兩

右為細末。每服二錢。水一盞。入生薑二片。煎至七分。溫服。或沸湯點亦得。

金匱翼卷一 瘟疫大法

金匱翼

清 吳門 尤 怡在涇編集

鄞縣 曹赤電炳章園校

卷二

痰飲統論

人之有形。藉水飲以滋養。水之所化。憑氣脈以宣流。蓋三焦者。水穀之道路。氣脈之所終始也。若三焦調適。氣脈平均。則能宣通水液。行入於經。化而爲血。灌溉周身。設三焦氣澀。脈道不通。則水飲停滯。不得宣行。因之聚成痰飲。爲病多喘。古方論痰有四。痰飲、懸飲、溢飲、支飲是也。詳見金匱要略。然又有留飲、癖飲、流飲、伏飲之異。其聚而不散者曰留飲。僻處脇下者曰癖飲。流移不定者曰流飲。沉伏於內者曰伏飲。又因酒而成癖者曰酒癖。因寒多所致者曰冷痰。因熱邪所傷者曰熱痰。病雖多端。悉由三焦不調。氣道否澀而生病焉。是以氣行卽水行。氣滯卽水滯。

故知飲之爲病。在人最多。善治者。以宣通其氣脈爲先。則飲無所凝滯。所以治痰飲者。當以溫藥和之。蓋人之氣血得溫則宣流也。及結而成堅癖。則兼以消痰破飲之劑攻之。

痰之源不一。有因熱而生者。有因氣而生者。有因風而生者。有因驚而生者。有因積飲而生者。有多食而生者。有因暑而生者。有傷冷物而成者。有因脾虛而成者。其爲病也。驚痰則成心痛癩疾。熱痰則成煩躁懊懣。頭風爛眼。風痰則成癱瘓。大風眩暈。暗風悶亂。飲痰成脇痛。四肢不舉。每日嘔吐。食痰成瘧痢。口臭痞氣。暑痰頭昏眩暈。黃疸頭疼。冷痰骨痺。四肢不舉。氣刺痛。酒痰飲酒不消。但得酒次日又吐。脾虛生痰。食不美。反胃嘔吐。氣痰攻注。走刺不定。丹溪

痰生於脾胃。宜實脾燥溼。又隨氣而升。宜順氣爲先。分導次之。又氣升屬火。順氣在於降火。熱痰則清之。溼痰則燥之。風痰則散之。鬱痰則開之。頑痰則軟之。食痰則消之。在上者吐之。在中者下之。又中氣虛者。宜固中氣以運痰。苦攻之太過。則胃氣虛而痰愈甚矣。節齋

治痰七法

一日攻逐

古云。治痰先補脾。脾復健運之常。而痰自化。然停積既甚。譬如溝渠瘀壅。久則倒流。逆上。污濁臭穢。無所不有。若不決而去之。而欲澄治已壅之水。而使之清。無是理也。故須攻逐之劑。

神仙墜痰丸

黑牽牛取兩末

皂角酥炙

白礬生一

為末。水丸。桐子大。酒下三五十九。

控涎丹

甘遂

大戟

白芥子等分

右為末。糊丸。臨臥薑湯服五七丸至十九。痰猛加丸數。

李時珍曰。痰涎為物。隨氣升降。無處不到。入心則成癲癩。入肺則壅竅。為喘欬背冷。入肝則膈痛乾嘔。寒熱往來。入經絡則麻痺疼痛。入筋骨則牽引鈞痛。入皮肉則癰癤癰腫。陳無擇三因方。並以控涎丹主之。殊有奇功。一名妙應丸。又人忽患胸背手足腰項筋骨牽引鈞痛。走易不定。或手足冷痺。氣脈不通。此乃痰涎伏在

心膈上下。隨氣攻注。隧道閉塞所致。誤認癱瘓非也。須以此藥治之。

十棗湯

芫花醋炒

甘遂細末

大戟各等

右為細末。以水一升半。煮大棗十枚至八合。去滓調藥末。強人一錢匕。弱人五分。平旦服之。不下更加五分。下後以糜粥調養之。河間云。芫花之辛以散飲。大戟之苦以泄水。其甘遂直達水氣所結之處。乃泄水飲之聖藥也。

礞石滾痰丸

王隱君曰。痰病古今未詳。方書雖有五飲諸飲之異。而莫知其病

之源。或頭風作眩。目暈耳鳴。或口眼蠕動。眉稜耳輪痛癢。或四肢遊風腫硬。似疼非疼。或齒頰痛。牙齒浮痛。或噁氣吞酸。心下嘈雜。或痛或噦。咽嗑不利。咯之不出。嚔之不下。其痰似墨。或如破絮。桃膠。蜆肉之狀。或心下如停冰鐵。心氣冷痛。夢寐奇怪。失志癲癩。或足腕痠疼。腰背骨節卒痛。或四肢筋骨疼痛。難以名狀。並無常處。或手臂痛麻。狀若風溼。或脊上一條如線之寒起者。或渾身習習如臥芒刺者。或眼粘溼癢。口糜舌爛。喉痺等證。或繞項結核。狀若瘰癧。或胸腹間有如二氣交紐。噎息煩悶。有如煙水上衝。頭面烘熱。或中風癱瘓。或勞瘵荏

苒之疾。或風毒脚氣。或心下怔忡。如畏人捕。或喘欬嘔吐。或嘔冷涎。墨汁綠水。甚爲肺癰腸毒。便膿攣跛。內外爲病百端。皆痰所致。其狀不同。難以盡述。蓋津液既凝爲痰。不復周潤三焦。故口燥咽乾。大便秘結。面如枯骨。毛髮焦槁。婦人則因此月水不通。若能逐去敗痰。自然服餌有效。余用滾痰丸以愈諸疾。今特相傳於世云。

青礞石一兩

沉香五錢

大

黃酒蒸熟

黃

芩各八

右將礞石打碎。用焰硝一兩。同入瓦罐。鹽泥固濟。曬乾火煨。石色如金爲度。研末。和諸藥。水丸如梧子大。白湯食後服。人壯氣實者。可至百丸。服後仰臥。令藥在胸膈間。除徐而下。除逐上焦痰滯惡物。過膈。然後動作。食湯水。方能中病。明日當下痰積惡物。若不下。加十九。

愚按。痰之與飲。同類而異名者耳。痰者。食物所化。飲者。水飲所成。故痰質稠而飲質稀也。痰多從火化。飲多從寒化。故痰宜清而飲宜溫也。痰多膠固一處。飲多流溢上下。故痰可潤而飲可燥也。是以控涎十棗。爲逐飲之真方。礞石滾痰。乃下痰之的藥。易而用之。罕有獲效者矣。學者辨之。

二曰消導

凡病痰飲未盛。或雖盛而未至堅頑者。不可攻之。但宜消導而已。消者。損而盡之。導者。引而去之也。

和劑二陳湯 治痰飲為患。或嘔逆惡心。或頭眩心悸。或中脘不快。或食生冷飲酒過度。脾胃不和。並宜服之。

半 夏薑製

橘 紅 各五

白茯苓 三兩

甘 草 半 兩

右咬咀。每服四錢。水一棧。薑七片。煎八分。熱服無時。一方有大棗一枚。本方加枳實、桔梗。名桔梗半夏湯。

濟生導痰湯

半 夏 湯洗七

天南星 炮去

赤茯苓

枳 實

橘 紅 各一

甘 草 炙 半

右咬咀。每服四錢。水薑煎。食後溫服。

青礞石丸 治食積成痰。

青礞石 煨碎如棗子大。以酒洗。二兩。同人參、白朮、黃連、黃芩、芍藥、甘草、大黃、芒硝、枳實、白茯苓、白朮、黃連、黃芩、芍藥、甘草、大黃、芒硝、枳實、白茯苓。

扶 苓

半 夏 湯洗七

天南星煨

黃芩銹

風化硝三錢或五錢煨

右為細末。神麩糊入薑汁為丸如梧子大。每服三五十九。薑湯送下。一方加薑汁、菖蒲、滑石。一方無南星。有白朮。一方有枳實、倍礞石。一方加蒼朮五錢。滑石一兩。

又方

半夏

陳皮

白朮

白茯苓

大黃

黃芩

人參

炙甘草

礞石各一兩

沉香五錢

右為末。以竹瀝一大碗半。薑汁三匙。拌勻晒乾。如此五六度。仍以竹瀝薑汁糊丸。小豆大。每百丸。臨臥薑湯吞下。

又方

牽牛二兩末

滑石二兩

大黃一兩

木香

黃芩

礞石

枳殼

青皮

陳皮

檳榔各五錢

沉香二錢

為末。水丸。桐子大。薑湯下五十九。

半夏丸 治膈痰結實滿悶喘逆。

半夏薑汁製 皂莢五挺去皮揉

生薑五兩同半夏

為末。蜜為丸。梧子大。薑湯下二十九。

治熱痰結在胸膈。咯吐不出。滿悶作痛。名痰結。又脇下痛。作寒熱。欬嗽氣急。亦痰

結也。

製半夏

陳皮

赤苓各一

桔梗

枳殼

瓜蒌仁各七

黃連

黃芩

梔子

貝母

蘇子

桑皮

杏仁

芒硝各五

木香

甘草各三

右剉作一貼。薑三片。同煎至半納。芒硝溶化。去滓。又入竹瀝。薑汁調服。

鶴頂丹 治諸頑痰迷塞。關竅不通。聲音不出。

白礬。黃丹。各一兩。火煨為末。麵糊丸。麻子大。每服三十九。研末。入全蠍少許。薑

湯調灌之。吐痰立愈。

青州白丸子 治風痰壅盛。嘔吐眩暈及癱瘓中風。

半 夏七兩 南 星三兩 白附子二兩 川 烏五錢

右共為細末。清水浸。春五夏三。秋七冬十日。朝夕投水。候日數足。乃取納生絹袋中。濾過其滓。再研再濾。以盡為度。澄清去水。晒乾為末。以糯米粥清糊丸。菉豆大。薑湯吞下三五十九丸。局方。如癱瘓風。以溫酒送下。如小兒驚風。薄荷湯下。百一選方。加川芎二兩。天麻。僵蠶。全蠍各一兩。並生用。為細末。新糊丸。瑞竹堂方。加天麻。全蠍。木香。枳殼各一兩。

三曰和

始因虛而生痰。繼因痰而成實。補之則痰益固。攻之則正不支。惟寓攻於補。庶正復而痰不滋。或寓補於攻。斯痰去而正無損。是在辨其虛實多寡而施之。

橘皮湯 半 夏製五兩 茯 苓 陳 皮各三兩 細 辛 青 皮 桔 梗 枳 殼 甘 草炙各二兩 人 參 旋覆花去萼各一兩

右判散。每服三錢。生薑五厚片煎服。

六君子湯

人參 白朮 茯苓 甘草減半

陳皮 半夏各一錢

水二錢。薑五片。煎至一鍾。去滓不拘時服。

四曰補

夫痰即水也。其本在腎。痰即液也。其本在脾。在腎者氣虛水泛。在脾者土虛不化。攻之則彌盛。補之則潛消。自非聖知。罕能得其故也。

濟生腎氣丸

四君子湯

苓桂朮甘湯

五曰溫

凡痰飲停凝。心膈上下。或痞或嘔或利。久而不去。或雖去而復生者。法當溫之。蓋痰本於脾。溫則能健。痰生於溼。溫則易行也。

千金半夏湯 治冷痰。

白朮 三兩

半夏 一升

生薑 八兩

茯苓

人參

桂心

甘草 炙

附子 二兩 炮各

水八升。煮三升。分溫服。

吳茱萸湯

吳茱萸

人參

半夏 薑製

桂心 各二兩

茯苓 二兩

甘草 一兩

薑棗湯煎三錢。空心溫服日二。

聖濟總錄曰。氣為陽。陽不足者。不能消導水飲。則聚而成痰。浸漬腸胃。上為嘔逆。吐酸。下為洞泄。寒中久不已。則令人消瘦。少氣倚息。妨於飲食。昔人治痰飲。多以溫藥和之。為此故也。

沉香茯苓丸 溫脾胃。利胸膈。和氣血。

沉香 一兩

白茯苓

半夏 製

人參

丁香 二兩

甘草

陳皮 去白

肉豆蔻 煨

檳榔五錢

共末。蜜丸。桐子大。薑湯下二十九。

本事神朮丸

茅山蒼朮一斤去皮為末生芝麻半兩水二瓊

大棗十五枚去皮核研

右三味搜和。乘熱入白杵丸如梧子大。乾之。每日空腹溫湯吞下五十丸。加至一百丸。二百丸。忌桃、李、雀、蛤。初服心膈微燥。進山梔散一服。不燥矣。

許叔微云。予平生有二疾。一則藏府下血。二則膈中停飲。血有時而止。停飲則無時而愈。始因年少時。夜坐為文。左向伏几案。是以飲食多墜向左邊。中夜以後。稍困乏。則飲酒兩三杯。既臥就枕。又向左邊側睡。氣壯盛時。殊不覺。三五年後。覺酒止。從左邊下。漉漉有聲。脇痛。飲食殊減。十數日。必嘔吐數升酸水。暑月止。是右邊身有汗。藥熱常潤。左邊病處。絕燥。徧訪名醫。及海上方服之。少有驗。間或中病。止得月餘。復作。其補則如天雄、附子、礬石。其利則如牽牛、大戟、甘遂。備嘗之矣。予後揣度之。已成癖囊。如潦水之有科臼。不盈科不行。水盈科而後行者也。清者可行。濁者依然停蓄。蓋下無路以決之也。是以積之五七日。必稍吐去而稍寬。數日復

作。夫脾土惡溼而水則流溼。莫若燥脾以勝溼。崇土以填科臼。則疾當去矣。於是
悉屏諸藥。一味服蒼朮。三月而疾愈。自此一向服數年。不膈不吐。胸膈寬。飲啖如
故。暑月汗周體而身涼。飲亦當中下。前此飲漬於肝。目亦多昏眩。其後燈下能書
細字。皆蒼朮之力也。予初用茅朮。半月後。止用燥烈味極辛者。削去皮不浸。極有
力。而亦自然不燥也。山梔散。用山梔一味。乾爲之末。沸湯點服。故知久坐不可伏
向一邊。時或運動。亦消息之法。

六曰清

或因熱而生痰。或因痰而生熱。交結不解。相助爲瘧。是以欲去其痰。必先清其熱。
昔人所謂痰因火盛逆上者。治火爲先也。其證咽喉乾燥。或塞或壅。頭目昏重。或
欬吐稠粘。面目赤熱。
潔古小黃丸

南星

半夏

黃芩各一兩

爲末。薑汁浸。蒸餅爲丸。桐子大。每五七十丸。生薑湯下。食後服。
二陳湯加黃芩、連翹、山梔、桔梗、薄荷亦佳。

聖濟鵝梨煎丸 治熱痰。涼心肺。利胸膈。解毒補虛益氣。

鵝梨大者二十枚 去皮取汁 皂莢十條 去皮 取水揉取汁 生地黃入兩 搗

薄荷生搗 取汁 白蜜入兩 同熬成膏 人參 白茯苓

半夏雨各一 檳榔煨三 青皮去白 桔梗

甘草炙各三分

右共為末。搗膏為丸。梧子大。荆芥湯下二十九。日二。一方有木香、菴蓉、白蒺

藜、山藥、白朮、羌活、防風。

聖濟千金散 治熱痰壅盛。胸膈不利。

半夏製薑汁 蛤粉各五錢 甘草 凝水石三錢 煨

右共末。水下三錢。空心服。以利為度。一方有羌活。

七曰潤

肺虛陰涸。枯燥日至。氣不化而成火。津以結而成痰。是不可以辛散。不可以燥奪。

清之則氣自化。潤之則痰自消。

杏仁煎 治燥痰在肺中。上氣欬嗽。或心胸煩熱。

杏仁去皮尖

生薑汁

白蜜

飴糖各半

桑皮

貝母

木通各一兩

紫苑

五味各一兩

右剉碎。用水三升。熬至半升。去滓。入前杏仁等四味。再熬成膏。每服一匕。含化。

一方有款冬、知母。一方有生地汁、紫蘇子。

節齋化痰丸 治鬱痰老痰。膠固稠粘。難於咯唾。

天門冬

片芩酒炒

瓜蒌仁

橘紅

海石粉各一兩半

香附鹽水炒

芒硝

桔梗

連翹各五錢

青黛二錢

右為末。煉白蜜入薑汁少許。和丸櫻桃大。細嚼一丸。清湯下。

飲食

傷食

傷食者。飲食自倍。腸胃乃傷也。當分上中下三焦而治。在上吐之。在中消之。在下

奪之。

羅太無云。大抵內傷之理。傷之微者。但減食一二日。所傷之物。自得消化。此良法也。若傷之稍重者。以藥內消之。傷之太重者。以藥除下之。

瓜蒂散 宿食在上脘。用此吐之。所謂在上者。因而越之也。

瓜蒂炒 赤豆黃等分

右為細末。以豉七合。煮汁和散。一匕服。一法溫漿水調服。一錢匕。取吐為度。經云。上部有脈。下部無脈。其人當吐不吐者死。謂食塞於上。而脈絕於下也。何者。陽火之根。本於地下。陰水之源。出於天上。食塞於上。是絕五藏之源。源絕則水下流。兩尺脈絕。吐去上焦之物。而脈自通。如不能吐。則非食病。而是根蒂之先拔。故死。或以陰陽水三升。煮白鹽一升。令消。分三服。則吐去所食。即愈。出千金方。紅丸子 壯脾胃。消宿食。去膨脹。

京三稜 蓬朮 青皮去白 陳皮去白各

炮薑 胡椒各三斤

右為末。醋麵糊丸。梧子大。礬紅為衣。每服二十九。食後薑湯下。易簡方有阿魏。

治食索粉成積方

紫蘇濃煎汁。加杏仁泥服之。即散。

治食狗肉不消。心下堅。或腹脹。口乾大渴。心急發熱。狂言妄語。或洞下。

杏仁一升。去皮尖研。以沸湯三升。和絞汁三服。狗肉原片皆出淨。或以蘆根煮飲之亦消。

千金治所食不消方

取其餘類燒作末。酒服方寸匕。便吐其宿食即瘥。

按飲食停滯中脘。雖藉藥力爲之消磨。然所以運行藥力者胃氣也。故有屢經消食行氣。而食不下者。余即於前所用藥內。加入參一二錢。治之如神。學者不可不知。

備急方 治寒飲食過傷。心腹卒痛如錐刺。

川大黃末

乾薑末

巴豆去皮心研去油用霜

右各等分。和合一處研勻。煉蜜爲丸。小豆大。溫水下一丸。實者加一丸。一云每服三丸。未知更服三丸。腹中轉鳴。當吐下便愈。

東垣導滯丸 治傷溼熱之物。不得旋化而作痞滿。悶亂不安。便閉者。

黃芩

茯苓

白朮

黃連各三錢

澤瀉二錢

枳實

神麴各五錢

大黃兩一

右為末。湯浸蒸餅為丸。食遠沸湯下五十丸。

鶴年云。傷食與停食。宜分兩項。傷食者。飲食自倍。腸胃乃傷。病在不及消化。停食不論食之多少。或當食而怒。或當食而病。在氣結而不能化也。治傷食宜偏重於食。或吐。或下。或消。若停食則偏重在氣。惟理氣而兼之以消。吐下之法。不可用也。大都傷食當分上中下三焦。而停食則專在胃脘也。

傷酒

千金療卒大醉恐腸爛方

作湯著大器中漬之。冷復易之。酒自消。夏月亦用之佳。

又方 絞茅根汁飲二升。

又方 搗生葛汁飲之。無鮮者。乾葛煎服亦佳。

又方 粳米一升。水五升。煮使極爛。漉去滓。飲之良。
葛花解醒湯 治酒病。嘔逆心煩。胸滿不食。小便不利。

青皮三分

木香半錢

橘紅

人參

猪苓

茯苓各半

神麴

澤瀉

乾薑

白朮各二錢

白蔻仁

砂仁

葛花各半

右爲極細末。每服三錢。白湯調服。但得微汗。則酒病去矣。

羅謙甫云。夫酒者大熱有毒。氣味俱陽。乃無形之物也。若傷之。止當發散。使汗出。則愈。最妙法也。其次莫如利小便。二者乃上下分消其溼。何酒病之有。今之治此者。乃用酒癥丸。大熱之劑下之。又用牽牛。大黃下之。是無形元氣病。反傷有形陰血。乖誤甚矣。

不能食

不能食者。胃中元氣虛也。然有虛冷虛熱之異。宜分別治之。

消食丸 治數年不能食。

麥蘗

麴升各一

乾薑炮

烏梅焙各四兩

蜜丸。服十五丸。日再。加至四十九。亦治反胃。

又方

神麴炒黃二兩

麥蘗炒黃二兩

烏梅四兩

乾木瓜半兩

茯苓

甘草炙各二分

蜜丸櫻桃大。每服一丸。不拘時細嚼。白湯下。一方無木瓜。有人參、乾薑。

又方

豉心一升末

麥芽

麴各一兩熬

川椒出升

乾薑末一升

右五味篩。以蜜拌。食後酒服方寸匕。

以上三方。並治胃虛冷。不能食之劑。

資生丸 健脾開胃。消食止瀉。調和臟腑。滋養營衛。

白朮米泔水浸用山黃土拌九 橘紅

山查蒸

神 麩二兩各 白茯苓人乳拌飯上蒸

人 參人乳浸透飯鍋 白豆蔻飯炒

川 連薑汁炒 桔 梗炒 藿 香

扁 豆炒 蓮 肉去心炒 麥芽麵炒

芡 實炒各一錢 薏 仁炒三

右為末。煉蜜丸。每服二錢。細嚼淡鹽湯下。

凝神散 收斂胃氣。清涼肌表。

人 參 白 朮 茯 苓

扁 豆 知 母 生 地 黃

甘 草各一錢 淡竹葉 地骨皮

右作一服。水二鍾。薑三片。紅棗一枚。煎一鍾。食遠服。

高鼓峰云。腎為胃之關。關門不利。升降息矣。關門即氣交之中。天之樞也。故腎旺

則胃陰足。胃陰足則思食。若關門枯槁。腎水不能上達。當急以六味加歸芍養之。

若血燥大腸乾枯。有黑屎積疊胃底。則當以熟地五錢。當歸三錢。白芍桃仁二錢。

麻仁三錢。微微潤之。視其形體如常。氣血尙足。即於前方內可加大黃二錢。助血藥。大腸一順利。胃自開矣。一開之後。大劑六味。左歸等類。不數服之。方有濟也。

以上治胃虛氣熱之劑。

范汪療胃氣虛不能食。四肢重短。氣調和五藏。并療諸病。調中湯方。

薤白切一 枳實六枚 橘皮三枚 大棗十二枚

粳米三合 香豉六合

水六升。先煮薤白得四升。內諸藥。煮取一升半。適寒溫服。一方有生薑一兩。

延年無枳實。有茯苓人參。

按此以甘辛氣味和暢胃陽。推揚穀氣。虛者延年方較良。

本事治脾腎虛弱全不進食二神丸

破故紙四兩 炒 肉荳蔻二兩 生

右爲細末。用大肥棗四十九枚。生薑四兩。切片同煮棗爛。去薑取棗剝去皮核。

用肉研爲膏。入藥和杵丸。如梧子大。每服三十九。鹽湯下。有人全不進食。服補

藥皆不效。予授此方服之。頓然能食。此病不全作脾虛。蓋腎氣虛弱。真元衰劣。

譬如金鼎之中。置之米穀。下無火力。雖終日不熟。其何能化。黃魯直嘗記服兔絲子。淘淨酒浸曝乾爲末。日抄數匙以酒下。十日外。飲啖如湯沃雪。亦此理也。寬中進食丸。滋形氣。喜飲食。

人參

炮薑

青皮各一錢

大麥芽炒

縮砂仁炒

甘草各一錢半

白茯苓

橘紅

澤瀉

白朮各三錢

枳實四錢

荳蔻五錢

猪苓七錢

神麩炒

木香各五分

半夏七錢

右爲末。湯浸蒸餅爲丸。桐子大。每服三十九。溫米湯送下。食前。

穀勞

穀勞者。胃受水穀。其氣虛弱。不能傳化。穀盛氣虛。則令人怠惰嗜臥。肢體煩重。腹滿善飢。而不能食。食已則發。穀氣不行使然也。

沉香湯

沉香

白朮土炒

紫厚朴薑汁炒

人參

白茯苓

半夏薑製

木香

草荳蔻

甘草

陳皮

黑乾薑

生薑大棗水煎三錢。溫服。日二。

肘後云。飽食便臥。得穀勞病。令人四肢煩重。嘿默欲臥。食畢輒甚。用大麥蘖一升。椒一兩。並炒乾。薑三兩。搗末。每服方寸匕。日三。

食亦

內經曰。大腸移熱於胃。善食而瘦。謂之食亦。夫胃為水穀之海。所以化氣味而為營衛者也。胃氣和。飲食有節。氣血盛。而膚革充盈。若乃胃受邪熱。消燼穀氣。不能變化精血。故善食而瘦也。病名食亦。言雖食亦若飢也。又胃移熱於膽。亦名食亦。以膽為陽木。熱氣乘之。則燼土而消穀也。

甘露飲 治胃熱善食。不生肌肉。

生地

熟地

天冬

麥冬

片苓

石斛

枇杷葉

甘草

枳殼

茵陳一兩

水煎三錢服。

諸血統論

失血諸證。妄行於上則吐衄。衰涸於內則虛勞。妄返於下則便紅。積熱膀胱。癰閉。尿血。滲透腸間。則爲腸風。陰虛陽搏。則爲崩中。溼蒸熱瘀。則爲滯下。熱極腐化。則爲膿血。火極似水。則血色紫黑。熱勝於陰。則發爲瘡瘍。溼滯於血。則發爲痛痺。癩疹皮膚。則爲冷痺。蓄之在上。其人喜狂。蓄之在下。其人喜忘。血出上七竅爲血溢。大小便二血爲血泄。然內經云。溢則後血。是血下出。亦可云。溢。正不必拘也。

先見血。後見痰嗽。多是陰虛。先見痰嗽。後見血。多是痰火積熱。凡吐衄血太甚不止。當防其血暈。用茅根燒酒將醋灑之。令鼻嗅氣。以遏其勢。或驀然以冷水噴其面。使驚則止。血虛眩暈卒倒。不可艾灸驚哭叫動。動則乘虛而死矣。須以當歸、川芎、白芍、熟地

黃、黃耆、人參、白朮、茯苓、陳皮、荆芥穗、甘草各七分。棗二枚。烏梅一個。同煎服。

凡用血藥不可單行單止。又不可純用寒涼。必加辛溫升藥。如用寒涼藥。用酒煎。酒炒之類。乃寒因熱用也。久患血證而不歸元。久服藥而無效者。以川芎爲君則效。丹溪

凡嘔吐血。若出未多。必有瘀於胸膈者。當先消而去之。驟用補法。血瘀成熟。多致不起。

業師薛一瓢先生。治陸元賓勞傷吐血。後日漸消瘦。有時發寒熱。飲食減少。微有乾欬。四肢無力。語亦懶。師用大當歸一隻。重二兩者。木器搥鬆。陳酒煎。令服三劑。以其人素不飲酒。改用酒水各半煎。果三服而諸病皆愈。

風熱吐血

風、陽邪也。熱、火氣也。併入絡中。則血溢絡外。其證乍寒乍熱。咳嗽口乾。煩躁者是也。宜以辛涼入血之藥治之。

聖惠荆芥地黃湯

荆芥穗爲末。生地汁調服二錢。

駱隆吉曰。風火既熾。當滋腎水。此以荆芥發陽邪。而以地黃養陰氣也。聖濟荆芥穗散

荆芥穗

山梔仁

片苓

蒲黃

水煎五錢溫服。晚再服。以差爲度。

鬱熱失血

鬱熱失血者。寒邪在表。閉熱於經。血爲熱迫。而溢於絡外也。勿用止血之藥。但疎其表。鬱熱得舒。血亦自止。若表已解而熱不消。血不止者。然後以清熱降血之藥治之。若肺氣已虛。客熱不去。效嗽咽乾。吐血嗽血者。宜以甘潤養血爲主。而以辛藥涼肺佐之。如大阿膠丸之類。

寶鑑大阿膠丸

阿膠微炒

生地黃

熟地黃

卷柏

乾山藥

五味子

雞蘇葉

大薊各一兩

茯苓

柏子仁另研

百部

遠志

人參

麥門冬

防風各半

右為細末。煉蜜彈丸。子大。煎小麥、麥門冬湯下一丸。食後。

大薊欬子。解鬱熱。止吐衄。亦治辛熱物傷脾胃。嘔吐血。各肺疽。

大薊根洗

犀角鎊

升麻

桑白皮炙

蒲黃炒

杏仁去皮尖各二錢

甘草炙

桔梗炒各一兩

水二鍾。生薑五片。煎至一鍾。不拘時服。

和劑龍腦雞蘇丸。治胸中鬱熱。欬嗽。吐血衄血。涼上膈。止虛煩。

雞蘇淨葉一斤即龍腦薄荷

生乾地黃末六兩後入

人參

阿膠

蒲黃

麥冬

柴胡

劉同木通以佛湯大半升浸一宿絞汁後入膏各二兩

香一兩

甘草半兩

右為細末。以蜜二升。先煉一二沸。然後下生地黃末。不住手攪。時時入絞下柴

胡木通汁。慢慢熬成膏。勿令焦。然後將其餘藥末同和為丸。如豌豆大。每服二

十九。熱水下。

側柏散 治鬱熱內損心肺。吐血下血。出如湧泉。口鼻俱流。須臾不救。服此即安。

側柏葉 蒸乾二兩半 荆芥穗 燒灰 人參 各一兩

右為末。每服三錢。入白麵二錢。新汲水調如稀糊啜服。

暑毒失血

暑毒失血者。脈大氣喘。多汗煩渴。蓋心主血。而暑氣喜歸心也。此病多於酒客。及陰虛之人有之。

千金治酒客瘟疫中熱毒乾嘔吐血方

蒲黃 犀角 括蕁根 甘草 各二兩

桑寄生 葛根 各三兩

水七升。煮三升。分三服。

局方枇杷葉散 治暑毒攻心。嘔吐鮮血。

香薷 二錢 厚朴 甘草 麥冬

木瓜 茅根 各一錢 陳皮 枇杷葉

丁香各五分
爲末。每服二錢。薑水煎服。

畜熱吐血

畜熱吐血者。熱畜血中。因而妄行。口鼻皆出。勢如湧泉。膈上熱。胸中滿痛。脈洪大。弦長。按之有力。精神不倦。或血是紫黑成塊者。須用生地黃、赤芍、茜根、牡丹皮、三製大黃、滑石、桃仁泥之屬。從大便導之。此非釜底抽薪之法。不能奪火熱上湧之勢也。

海藏云。畜血喜忘如狂。身熱尿黑者。痰已甚也。但小腹滿。小便不利者輕也。

滑伯仁曰。血溢血泄。諸畜血證。其始也。予率以桃仁、大黃行血破滯之劑。折其銳氣。而後區別治之。雖往往獲效。然猶不得其所以然也。後來四明遇故人蘇伊舉。間論諸家之術。伊舉云。吾鄉有善醫者。忘其姓字。每治失血畜妄。必先以快藥下之。或問失血復下。虛何以當。則曰。血既妄行。迷失故道。不去血利瘀。則以妄爲常。曷以禦之。且去者自去。生者自生。何虛之有。予聞之愕然曰。昔者之疑。今釋然矣。

按去者自去。生者自生。人易知也。瘀者未去。則新者不守。人未易知也。細心體驗自見。

簡要濟衆

川大黃一兩爲末。每服一錢。以生地汁一合。水半盞。煎三五沸。服無時。

藕汁茯苓飲

生藕汁

小薊根汁

生地黄汁

茯苓

蒲黃炒黑

後二味。等分爲末。每服二錢。用三汁調下。

按虛人未可下者。宜此法清熱。且利瘀也。

按千金云。凡吐血後。體中但掩掩。心中不悶者。輒自愈。假令煩躁。心中悶亂。紛紛嘔吐。顛倒不安者。當急以瓜蒂、杜蘅、人參等。吐去清黃汁。或血一二升無苦。蓋謂中有瘀血不盡故也。然與其湧而上之。不若導而下之。之爲順也。吐法昔人且不忍。而況於下法乎。

直指方

鮮生地黃搗汁煮飲。日數升良。

四生丸 治吐血衄血。熱妄行乘於陰也。

生荷葉

生艾葉

側柏葉

生地黃等分

右搗爛為丸。如雞子大。每服一丸。用水二鍾煎一鍾。去滓服。一方有生薄荷葉。無荷葉。

十灰散 治嘔吐欬嗽血。

大薊

小薊

柏葉

荷葉

茅根

茜根

大黃

梔子

棕櫚皮

牡丹皮

右等分。燒存性。出火毒。研為極細末。用生藕汁及生蘿蔔汁。磨松墨半碗。調服五錢即止。

氣逆失血

氣逆失血者。血從氣逆。得之暴怒而厥也。經云。陽氣者。大怒則形氣絕。而血菀於

上使人薄厥。又怒則氣逆。甚則嘔血。及飧泄是也。必有胸脇滿痛等證。宜芍藥、陳皮、枳殼、貝母之屬。行其氣而血自下。或肝火因氣而逆者。必有煩躁燥渴等證。宜芍藥、生地黃、丹皮、芩、連之屬。降其火而血自寧。
小烏沉湯

烏藥去心

甘草炒一

香附子炒砂盆浙去毛
皮焙乾二十兩

右爲細末。每服一錢。不拘時沸湯點。

按大怒氣逆。必有火熱從之。上行宜以黃連、青黛、香附、柴胡、甘草、山梔等藥。平其肝則自愈。獨進溫燥。寧無偏勝之弊。且非古人抑怒全陰之意。

勞傷吐血

勞傷吐血者。經所謂用力太過。則絡脈傷是也。蓋絡脈之血。隨經上下。往來不休。若絡脈有傷損之處。其血因得滲漏而出矣。如是者。須和養血氣。安順謹調。使損者復完。則血脈循行如故。所謂勞者逸之是也。此等未關藏氣。但體性堅凝。尙可望其生全。若不能如此。而或縱情違理。絡脈完已復損。則必無幸矣。

髮灰散

亂髮燒灰

每服二錢。米醋湯調服。亦治小兒尿血。

治吐血不止

將本人血。磁鍋焙乾爲末。每一錢二分。以參麥煎湯調下卽止。

凡吐粉紅色痰涎者。是肺絡損傷而血滲也。治以鮮藕、白糯米、紅棗三物煎湯。頻頻服之。久自愈。此方係正白旗遲維職所授。用之良驗。遲公曾任崇明及六合縣係一榜出身。六

世明醫

陽虛失血

陽虛失血者。脾胃氣虛。不能固護陰氣也。仁齋直指云。血遇熱則宣流。故止血多用涼劑。然亦有氣虛挾寒。陰陽不相爲守。榮氣虛散。血亦錯行。所謂陽虛陰必走是耳。外證必有虛冷之狀。其血色必黯黑而不鮮。法當溫中。使血自歸經絡。可用理中湯加南木香。或甘草乾薑湯。其效甚著。曹氏云。吐血須煎乾薑甘草湯與服。

或四物理中湯亦可。若服生地黃、竹茹、藕汁。去生便遠。

三因云。理中湯能止傷胃吐血。以其最理中脘。分利陰陽。安定血脈也。

按經云。榮氣出於中焦。是以脾胃為統血之司。而甘溫氣味。有固血之用也。世

醫畏其能動血。雖遇當用而不敢用者多矣。厥疾不瘳。誰之過歟。或有仿千金

例於伏龍肝、甘草、乾薑、白朮之中。加阿膠之潤。黃芩之苦。以折炎上之勢。而復

既脫之陰。亦內經甚者從之之意也。

理中湯

甘草乾薑湯二方見金匱心典

黑神散和劑

黑豆炒半升

乾熟地黃酒浸

當歸去蘆酒製

肉桂去粗皮

乾薑炮

甘草炙

芍藥

蒲黃各四兩

右為細末。每服二錢。酒半盞。童子小便半盞。不拘時煎服。

凡吐血脈微。身涼惡風者。須於地黃、芍藥中加肉桂一錢。虛冷人多有此證。

傷胃吐血

傷胃吐血者。酒食過飽。胃間不安。或強吐之。氣脈貴亂。損傷心胃。血隨嘔出也。簡易黑神散。治傷酒食。醉飽過度。胃絡內傷。及低頭掬損吐血。致多口鼻俱出。

百草霜

不拘多少
林居者佳

右研細。每服二錢。糯米湯下。喜涼水者。新汲水調服。

鼻衄

鼻衄有表寒裏熱之異。表寒者。傷寒不解。而閉熱於經也。詳傷寒門。裏熱者。陽明之熱。而血爲熱迫也。宜犀角地黃湯主之。或陽明之熱。不得下通。而反至壅者。宜拔萃犀角地黃湯通其下。而上自愈。

諸衄血家。不可與白虎湯。虛者亦不可與。卒得之。腹痛而利者。但可溫之。

羅謙甫云。經歷晉才卿。膏粱而飲。至春病衄。易醫數四。皆用苦寒之劑。俱欲勝其熱而已。然終不愈。而飲食起居。浸不如初。肌寒而時躁。言語無聲。口氣臭穢。惡冷風。而其衄之餘滴。則未絕也。彼惟知見血爲熱。而以苦寒攻之。抑不知苦瀉土。土脾胃也。脾胃人之所以爲本者。今火爲病。而瀉其土。火固未嘗除。而土已病矣。主

病則胃虛。胃虛則營氣不能滋榮百脈。元氣不循天度。氣隨陰化。而無聲風寒也。粗工嘻嘻。以爲可治。熱病未已。寒病復起。此之謂也。

項彥章治一婦。患衄三年許。醫以血得熱則淖溢。與瀉心涼血之劑。益困。衄出數滴。輒昏去。六脈微弱。而寸爲甚。曰。肝藏血而心主之。今寸口脈微。知心虛也。心虛則不能主血。而逆而妄行。法當補心。兼養脾氣。脾者心之子。實則心不虛也。與琥珀諸補心藥。遂安。

按。心虛補脾。卽千金脾旺則氣感於心之意。然補脾藥未議及。竊謂當兼補脾陰。不當專補脾氣也。

犀角地黃湯。易老云。治鼻衄。此藥爲最勝。

犀角

芍藥

丹

皮各一錢半

生

地四錢

甘草五分

水一鍾半。煎八分服。拔萃加大黃、黃連、黃芩、茅花湯。

白茅花水煎濃汁兩碗。分二服。如無花。以根代之。

人參蓮心散

人參一錢 蓮子心一分

共為末。以水空心下二錢。以差為度。一方蓮子心五十個。糯米五十粒。為末

酒調服。治勞心吐血。

髮灰散

髮灰一錢 人中白五分 麝香一分

用少許吹鼻中立愈。

元珠雞蘇散

雞蘇葉 黃耆 生地 阿膠

白茅根各一兩 麥門冬去心 桔梗 蒲黃炒

貝母去心 甘草錢五

每服四錢。薑三片。水煎服。

麥門冬飲子 治脾肺虛弱。氣促精神短少。衄血吐血。

人參 麥門冬 當歸各五分 五味子五個

黃耆 甘草 芍藥各一錢 紫苑五分

右咬咀。分作二服。水二盞。煎至一盞。去滓。溫服。食後。一方有生地。無甘草。芍藥。紫苑。名清肺飲子。

齒衄

齒衄。有手足陽明與足少陰之異。蓋手陽明入下齒中。足陽明入上齒中。而腎主骨。齒又爲骨之餘也。大抵屬陽明者。多有餘。故有便閉口臭。齒齲腫痛等證。凡素嗜肥甘。或善飲胃強者。多有之。屬少陰者。多不足。故口不臭。牙不痛。雖痛不甚。但齒搖不堅。凡陰虛羸瘦好色者。多有之。而宜清宜補。爲治迥別。不可不分也。元珠云。齒衄多陽明熱盛所致。緣手足陽明俱入齒中。而衝任二脈。並附陽明。陽明者。多氣多血之經也。陽明有熱。發則隨經上入齒中。血如潮湧。疼痛不已。甚則昏昧。予率用三製大黃末二錢。枳殼湯少加童便調下。並去黑糞數塊。其血頓止。要知腎虛出血者。其血必點滴而出。齒亦悠悠而疼。決不如此之暴且甚也。東垣清胃飲。治醇酒厚味。或補胃熱藥太過。以致牙疼不可忍。牽引頭腦。滿面發熱。或齲齒腐潰。出血不止。此陽明火也。

生地黄一錢

升麻

當歸

牡丹皮

犀角

連翹各一錢

甘草

黃連各五分

水煎服。

按陽明實熱。上熏口齒者。宜此清之。若大便閉結不通者。須加大黃。從下奪之。

外臺方 治滿口齒出血。枸杞根洗煎湯漱。驗。

元戎地黃引子 治腎虛衄血不止。

熟地黄

生地黄

地骨皮

枸杞子等分

焙乾為末。每服二錢。蜜湯調服。無時。寶鑑用治衄血往來久不愈。日三服。良。

安腎丸 治腎虛陰火上炎。服涼藥而愈甚者。宜淡鹽湯送下三五錢。間進黑錫

丹。方見喘證

或用腎氣丸煎服效。鶴年

舌衄

舌衄者。舌出血不止也。心主血。在竅為舌。若心藏蘊熱。血得熱而妄行。或溢於心

之竅。則有舌上出血之證。甚者出如湧泉。
聖濟阿膠散

阿膠炒

黃耆蜜炙

蒲黃新音一兩

共末。用生地黄汁。空心調下二錢。

千金方

亂髮燒灰。水服方寸匕。日三服。

大衄

附血汗

大衄者。口鼻耳目皆出血是也。由熱氣乘虛入血。則血妄行。與衛氣錯溢於竅也。
阿膠湯主之。

阿膠湯

阿膠始粉炒一兩

蒲黃五錢

水煎去滓。入生地黄汁服。急以帛繫兩乳。

神白散 治血汗

用人中白瓦上炙。研末入麝香少許和勻。空心酒下二錢。一方有髮灰。聖惠散 治大衄久衄及諸竅出血不止。

人中白一團。雞子大。綿五兩燒研。每服二錢。溫水服。

大便下血統論

許學士云。予苦疾三十年。畜下血藥方。近五十餘品。其間或驗或否。或始驗而久不應者。或初不驗棄之。再服有驗。未易歷談。大抵此病品類不同。對病則易愈。如下清血色鮮者。腸風也。血濁而色黯者。藏毒也。肛門射如血線者。脈痔也。亦有一種下部虛。陽氣不升。血隨氣而降者。仲景云。脈弦而大。弦則爲減。大則爲芤。減則爲寒。芤則爲虛。寒虛相搏。此名爲革。婦人則半產漏下。男子則亡血失精。此下部虛。而下血者是也。若得革脈。卻宜服溫補藥。蟲痔宜薰。千金用蝟皮艾者佳。予嘗作。頗得力。

黑地黃丸頗佳 鶴年

結陰便血

結陰便血者。以風冷之邪。結於陰分而然。蓋邪在五藏。留而不去。是之謂結陰邪。內結不得行。則病歸血分。故爲便血。經曰。結陰者。便血一升。再結二升。三結三升。正此之謂。宜外灸中脘、氣海、三里。以引胃氣。散風邪。內以平胃地榆湯溫散之。劑止之。景岳

寶鑑平胃地榆湯 治邪陷陰分。結陰便血。

陳皮

厚朴

蒼朮

甘草

地榆

人參

白朮

當歸

芍藥

升麻

乾葛

茯苓

神麩

乾薑炒

香附各等分

右咬咀。每服五錢。加薑棗煎。空心服。一方無香附。有附子、益智。

胃風湯 治風冷乘虛入客腸胃。水穀不化。及下血久而無度者。卽入物湯去地黃、甘草。加官桂等分。每服二錢。水一大盞。粟米百餘粒。同煎七分。去滓。稍熱服。蓋亦陰結之類。爲陰氣內結。故去甘寒而加辛熱。結者散之也。

經驗方

荊芥一味。略炒為末。米飲服二錢。

地榆湯。河間曰。陰結便血者。以陰氣內結。不得外行。血氣無宗。滲入腸下。致使

漸多。此湯治之。

地榆四兩

甘草三兩半

縮砂七枚

右為末。每服五錢。水三盞。煎至一半。去滓溫服。

溼熱便血

溼熱便血者。血濁而色黯。滑氏所謂足太陰積熱久而生溼。從而下流也。赤豆當歸散主之。若但熱而無溼者。腹中痛。血色鮮。連蒲散主之。

赤豆當歸散

赤小豆

三升浸令芽出晒乾

當歸十兩

右二味杵為散。漿水服方寸匕。日三服。

連蒲散

生地

當歸

白芍

枳殼

川芎

槐角

黃芩各一錢

黃連

蒲黃炒各二分

水二鍾煎八分服。

泊宅編云。乾柿燒灰。米飲服二錢。本草柿治腸癖。解熱毒。消宿血。又百一選方云。曾通判子病下血十年。用此方一服而愈。

王煥之知舒州。下血不止。郡人陳宜父。令其四時取柏葉。其方如春取東枝之類。燒灰調二錢服而愈。

潔古芍藥黃蓮散。治腹痛下血有熱。

芍藥

黃連

當歸各半兩

大黃一錢

淡桂五分

甘草錢二

每服五錢。水煎。痛甚者。調木香、檳榔末一錢。用淡桂者。略借辛溫以助藥力。且拔病本也。一方平胃散。加槐花、當歸、枳殼、烏梅。丹溪

中虛脫血

中者脾胃也。脾統血。脾虛則不能攝血。脾化血。脾虛則不能運化。是皆血無所主。因而脫陷妄行。其血色不甚鮮紅。或紫或黑。此陽敗而然。故多無熱證。而或見惡心嘔吐。宜理中湯溫補脾胃。中氣得理。血自歸經矣。

理中湯

理物湯 卽理中四物合劑。

黃土湯

白朮

甘草

附子

地黃

阿膠

黃芩各三兩

竈心黃土半升

水八升。煮取三升。分溫三服。

腸痔下血

本事治腸痔在腹內有鼠爛出血方

白蕪蕒

貫衆

狼牙根

椿東引枝

槐東引枝

白皮皆各一分

白蟪頭炙一個

雄黃

半兩

蝟

皮炙焦

右爲末。臘月猪脂和爲丸。如彈子大。綿裹內下部。日三易。

木 耳五錢

浸一宿洗淨。空心生食。禁茶湯半日許。如嫌淡。少加鹽。三服必愈。但不能除根耳。謂年自試驗過

澀血

澀血有虛有實。實者下焦結熱。血爲熱迫。尿血成淋。虛者房勞內傷。血失統御。溺血不已。亦有心藏有熱。熱乘於血。血滲小腸而尿血者。當參合脈證治之。凡小便血出。成淋作痛。或雜尿而出者。從膀胱中來也。如血出不痛者爲尿血。乃心移熱於小腸。血從精竅中來也。

濟生小薊飲子 治下焦結熱之劑。

生地四兩

小薊根

滑石

通草

蒲黃炒

淡竹葉

藕節

當歸

山梔仁

甘草炙各半兩

右咬咀。每服四錢。水一盞煎分。空心溫服。一方有白茅根、阿膠。

鹿茸散 治下元虛憊。小便尿血。日夜不止之劑。

鹿茸酒洗去毛酥炙令黃

生地黃焙

當歸焙各二兩

蒲黃一合 冬葵子炒四兩半

右為極細末。每服三錢匕。空心溫酒調服。日二。一方煉蜜為丸。如梧子大。每

服二十九。食前炒鹽湯下。

如神散 治心藏有熱。熱乘於血之劑。

阿膠焙炒一兩 山梔 車前子

黃芩

甘草炙各二錢半

右為細末。每服半錢或一錢。井華水調服。日三。此方合犀角地黃湯用之良。

髮灰散 亂髮燒存性為末。每服二錢。以醋二合。湯少許調服。或以側柏葉汁調

糯米粉和丸。梧子大。湯服五十丸。

鹿角膠丸 治房室勞傷。小便出血。

鹿

角一兩
成珠
清炒

沒藥

油髮灰
各六錢

右爲末。取白茅根汁打糊爲丸。梧子大。空心鹽湯吞七八十九。

金 匱 翼 卷 二 洩 血

